



АКАФИСТ



SPIRIT ART

СЕРАФИМУ ВЫРИЦКОМУ

КОНДА́К 1.

ИЗБРА́ННЫЙ УГО́ДНИЧЕ ХРИСТО́В, ПРЕПОДО́БНЕ О́ТЧЕ
СЕРАФѢ́МЕ, ВѢ́РЫ ПРАВОСЛА́ВНЫЯ СВЕТИ́ЛЬНИЧЕ И
ЗЕМЛѢ́ РОССИЙСКІЯ БЛАГОДА́ТНЫЙ ЗАСТУ́ПНИЧЕ,
ЧУ́ДНЫЙ О́БРАЗ СПАСЕ́НІЯ НАМ ЯВѢ́ВЫЙ, ДѢ́ЛАНИЕМ
СОКРОВЕ́ННЫМ ЦА́РСТВО НЕБЕ́СНОЕ СТЯЖА́ВЫЙ, К
ТВОЕ́МУ ПРЕДСТА́ТЕЛЬСТВУ НЫ́НЕ ПРИТЕКА́ЮЩЕ, ПѢ́НИЕ
ХВАЛЕ́БНОЕ ПРИНО́СИМ ТИ, ЛЮБО́ВИЮ ЗОВУ́ЩЕ:
РА́ДУЙСЯ, ПРЕПОДО́БНЕ О́ТЧЕ СЕРАФѢ́МЕ, ВѢ́РИЦКИЙ
ЧУДОТВО́РЧЕ.

Ў́КОС 1.

АНГЕЛОПОДО́БНУЮ КРАСОТУ́ ДУШѢ́ ИМЕ́Л ЕСѢ́,
ПРЕПОДО́БНЕ О́ТЧЕ, СЕ́РДЦЕМ ПЛАМЕНЕ́Я КО ГО́СПОДУ
СИЛ, И ТОМУ́ ЕДИ́НОМУ СЛУЖИ́ТИ ОТ Ю́НОСТИ ВОСХОТЕ́Л
ЕСѢ́, И ПОСЛУША́НИЕ Ё́СТИННОЕ ТВО́РЦУ СВОЕ́МУ ЯВѢ́Л
ЕСѢ́. ТѢ́МЖЕ ПРОМЫШЛѢ́НІЮ БО́ЖІЮ О ТЕБѢ́ ДИВЯ́ЩЕСЯ,
С ВЕ́РОЮ ЗОВѢ́М ТИ:
РА́ДУЙСЯ, БЛАГОЧЕСТИ́ВЫХ РОДИ́ТЕЛЕЙ О́ТРОЧЕ
ДОСТО́ЙНЫЙ;
РА́ДУЙСЯ, ИЗМЛА́ДА ВСЕ́Ю ДУШЕ́Ю ГО́СПОДА
ВОЗЛЮБИ́ВЫЙ.
РА́ДУЙСЯ, СЛУ́ЖБЫ ЦЕРКОВ́НЫЯ БЛАГОГОВЕ́ЙНЫЙ
РЕВНИ́ТЕЛЮ;
РА́ДУЙСЯ, МИ́РА ДУХОВ́НАГО УМИЛЕ́ННЫЙ СОЗЕРЦА́ТЕЛЮ.
РА́ДУЙСЯ, МОЛИ́ТВЫ ЧИ́СТЫЯ СОВЕРШИ́ТЕЛЮ УСЕ́РДНЫЙ;
РА́ДУЙСЯ, СЕ́РДЦЕМ СОКРУШЕ́ННЫМ ВСЕЦЕ́ЛО К БО́ГУ
УСТРЕМЛЕ́ННЫЙ.
РА́ДУЙСЯ, СХИ́МНИКУ ЛА́ВРСКОМУ ЖЕЛА́НИЕ СЕ́РДЦА
СВОЕ́ГО ПОВЕ́ДАВЫЙ;
РА́ДУЙСЯ, ОТ НЕГО́ ВО́ЛЮ БО́ЖІЮ О СЕБѢ́ ПОЗНА́ВЫЙ.
РА́ДУЙСЯ, ПРЕПОДО́БНЕ О́ТЧЕ СЕРАФѢ́МЕ, ВѢ́РИЦКИЙ
ЧУДОТВО́РЧЕ.

КОНДАК 2.

ВИДЯ ГОСПОДА ОЧЕСЬИ ДУХОВНЫМИ И НА МИЛОСТЬ ЕГО
УПОВАЯ, БРАКОМ ЗАКОНЫМ СОЧЕТАЛСЯ ЕСИ, БЛАЖЕННЕ
ОТЧЕ, ЧИСТОТУ ДУШЕВНУЮ И ТЕЛЕСНУЮ УСЕРДНО
СОБЛЮДАЯ. ВКУПЕ ЖЕ С СУПРУЖНИЦЕЮ СВОЕЮ
ВОЗРАСТАЛ ЕСИ ВО ВСЯКОЙ ДОБРОДЕТЕЛИ,
НЕПРЕСТАННО ПОЯ ГОСПОДЕВИ: АЛЛИЛУИЯ.

ИКОС 2.

РАЗУМ НАШ НЕДОУМЕВАЕТ, ОТЧЕ СЕРАФИМЕ, КАКО
СЛОВЕСЬИ ИЗЪЯСНИТИ ВЕРУ И ЛЮБОВЬ ТВОЮ КО
ГОСПОДУ, НИКОЛИЖЕ БО УСУМНЁЛСЯ ЕСИ ВО БЛАГОСТИ
ОТЦА НЕБЕСНАГО И ВСЕЦЕЛОЕ ДОВЕРИЕ К БОГУ В ДУШИ
ТВОЕЙ ПИТАЛ ЕСИ.

СЕГО РАДИ ГЛАГОЛЕМ ТИ СИЦЕВАЯ:

РАДУЙСЯ, ОБРАЗЕ ВЕРЫ НЕПОКОЛЕБИМЫЯ;

РАДУЙСЯ, ИСПОЛНЕННЫЙ КРОТОСТИ ДУХОВНЫЯ.

РАДУЙСЯ, БОЯВЫЙСЯ ГОСПОДА И ХРАНИВЫЙ ЗАПОВЕДИ
ЕГО;

РАДУЙСЯ, НА ВСЯК ДЕНЬ ПОУЧАВЫЙСЯ В ПРАВДЕ ЕГО.

РАДУЙСЯ, ДУШУ ТВОЮ В ТЕРПЕНИИ СТЯЖАВЫЙ;

РАДУЙСЯ, ЦАРСТВИЯ БОЖИЯ ПАЧЕ ВСЕГО ИСКАВЫЙ.

РАДУЙСЯ, ЦЕЛОМУДРИЯ И ВОЗДЕРЖАНИЯ СУПРУЖЕСКАГО
ХРАНИТЕЛЮ;

РАДУЙСЯ, ТИХАГО НРАВА ЛЮБОМУДРЫЙ НОСИТЕЛЮ.

РАДУЙСЯ, ПРЕПОДОБНЕ ОТЧЕ СЕРАФИМЕ, ВЫРИЦКИЙ
ЧУДОТВОРЧЕ.

КОНДАК 3.

СИЛОЮ ВЫШНЯГО УКРЕПЛЯЕМ, ПОПРИЩЕ МИРСКОЕ С
ДЕЛАНИЕМ ВНУТРЕННИМ МУДРО СОЧЕТАЛ ЕСИ, ПРАВЕДНЕ
ОТЧЕ, И ДЕЛАМИ МИЛОСЕРДИЯ, ХРИСТА РАДИ
ТВОРИМЫМИ, БЛАГОСЛОВЕНИЕ БОЖИЕ СНИСКАЛ ЕСИ.
ПОКРЫЙ УБО И НАС, ОБНАЖЕННЫХ ВСЯКАГО ДЕЛА БЛАГА,
ЛЮБОВИЮ ТВОЕЮ, ДА ВОСХВАЛИМ МИЛОСТИВАГО БОГА:
АЛЛИЛУИЯ.

ИКОС 3.

ИМЕЯ СОСТРАДАНИЕ, МИЛОСТИВЕ ОТЧЕ, СКОРБЯЩИХ
УКРЕПЛЯЛ ЕСИ, БОЛЬНЫХ И СИРЫХ УТЕШАЛ ЕСИ, ТЕМЖЕ
И ЛЮБОВЬ ХРИСТОВУ СТЯЖАЛ ЕСИ.

ПРИИМИ И ОТ НАС БЛАГОДАРСТВЕННУЮ ПЕСНЬ СИЮ:

РАДУЙСЯ, СКОРЫЙ ПОМОЩНИЧЕ В БЕДАХ СУЩИМ;

РАДУЙСЯ, ЩЕДРЫЙ ПОДАТЕЛЮ ПРОСЯЩИМ.

РАДУЙСЯ, ХРАМОВ И ОБИТЕЛЕЙ БЛАГОТВОРИТЕЛЮ;

РАДУЙСЯ, НЕМОЩНЫХ И УБОГИХ ПОПЕЧИТЕЛЮ.

РАДУЙСЯ, ЯКОЖЕ САМОМУ ХРИСТУ, БЛИЖНЕМУ
ПОСЛУЖИВЫЙ;

РАДУЙСЯ, БОГАТСТВО ТЛЕННОЕ НИ ВО ЧТОЖЕ
ВМЕНИВЫЙ.

РАДУЙСЯ, ЗЕМНЫХ ПРИСТРАСТИЙ СВОБОДИВЫЙСЯ;

РАДУЙСЯ, ВЕРОЮ И ДОБРЫМИ ДЕЛЫ УТВЕРДИВЫЙСЯ.

РАДУЙСЯ, ПРЕПОДОБНЕ ОТЧЕ СЕРАФИМЕ, ВЫРИЦКИЙ
ЧУДОТВОРЧЕ.

КОНДАК 4.

БҰРИ БОГОВОРЧЕСКИЯ, В РОССИИ ВОЗДВИГНУТЫЯ, НЕ
УСТРАШИЛСЯ ЕСИ, БОГОНОСНЕ ОТЧЕ, НО ПОДВИГ
ИСПОВЕДНИЧЕСТВА ПОДЪЕМ, МУЖЕСТВОМ ВООРУЖИЛСЯ
ЕСИ ВО ЕЖЕ СОВЕРШЕННЫЙ УЧЕНИК ГОСПОДЕНЬ
НАРИЦАТИСЯ, И ЕМУ ВСЕЦЕЛО СЕБЕ ПРЕДАВ, РАДОСТНО
ВОСПЕВАЛ ЕСИ: АЛЛИЛУИЯ.

ИКОС 4.

СЛЫШАВ О ТЯЖКИХ СТРАДАНИЯХ, ВЕРНЫМИ ЗА ИМЯ
ХРИСТОВО ПРЕТЕРПЕВАЕМЫХ, СО АПОСТОЛОМ
ВОПРОШАЛ ЕСИ: КТО НЫ РАЗЛУЧИТ ОТ ЛЮБВЕ БОЖИЯ?
ВЕДУЩЕ ЖЕ ВОИСТИНУ, ОТЧЕ, ЯКО ЛЮБЯЩИМ БОГА ВСЯ
ПОСПЕШЕСТВУЮТ ВО БЛАГОЕ, МОЛИМ ТЯ:
И НАМ МНОГОГРЕШНЫМ ДУШЕПОЛЕЗНАЯ ОТ ГОСПОДА
ИСПРОСИ, ДА СОГЛАСНО ПОЕМ ТИ:
РАДУЙСЯ, ВЕРУ ПРАВОСЛАВНУЮ МУЖЕСТВЕННО
ИСПОВЕДАВАЙ;
РАДУЙСЯ, ДАЖЕ ДО СМЕРТИ ЗА ХРИСТА ПОСТРАДАТИ
ВОЗЖЕЛАВАЙ.
РАДУЙСЯ, ИМЕНИЕ ТВОЕ ПО СЛОВЕСИ ГОСПОДНЮ
РАЗДАВАЙ;
РАДУЙСЯ, ЗА ВОЗЛЮБЛЕННЫМ ТОБОЮ И ВОЗЛЮБЫШИМ
ТЯ ПОСЛЕДОВАВАЙ.
РАДУЙСЯ, ЗЛАТО, В ГОРНИЛЕ ИСКУШЕНИЙ ОЧИЩЕННОЕ;
РАДУЙСЯ, ДРЕВО, ПРИ ИСТОЧНИЦЕХ ВОД ЖИВЫХ
НАСАЖДЕННОЕ.
РАДУЙСЯ, СКОРБИ И ИСПЫТАНИЯ В БОГАТСТВО ДУХА
ОБРАТИВАЙ;
РАДУЙСЯ, СОКРОВЕННЫМ ПОДВИГОМ КО ИНОЧЕСТВУ
СЕБЕ ПРЕДУГОТОВАВАЙ.
РАДУЙСЯ, ПРЕПОДОБНЕ ОТЧЕ СЕРАФИМЕ, ВЫРИЦКИЙ
ЧУДОТВОРЧЕ.

КОНДАК 5.

БОГОУГОДНЕ В ЧЕСТНѢМ БРАЦЕ ПОЖИВШЕ, ВОСХОТѢТЕ
ВЫ С СУПРЪЖНИЦЕЮ В ЛІЦЕ АНГЕЛЬСТЕМ СПАСІТЕЛЮ
ПОСЛУЖИТИ, И ТАКО ВО ЕДИН ДЕНЬ ВОСПРИЯЛИ ЕСТѢ
ПОСТРИЖЕНІЕ МОНАШЕСКОЕ. ЕГДА ЖЕ ВОСПРИЯЛ ЕСІ
БЛАГОДАТЬ СВЯЩЕНСТВА В ЛАВРЕ АЛЕКСАНДРО-НѢВСТЕЙ,
ТОГДА ЯКО ЗВЕЗДУ СВѢТЛУЮ ЯВИ ТЯ ГОСПОДЬ ЛЮДЕМ, ВО
МРАЦЕ СКОРБИ И ОТЧАЯНИЯ ПРЕБЫВАЮЩИМ, ЕЖЕ СИХ
УКРЕПЛЯТИ И СВѢТОМ ІСТИНЫ ИХ ОЗАРЯТИ, БОГУ ЖЕ
ПѢТИ: АЛЛИЛУІЯ.

ІКОС 5.

ВИДЕША БРАТІЯ, ЯКО ПОТЩАВСЯ ВСЕДУШНО БОГУ
БЛАГОУГОДИТИ, НЕ ВОТЩЕ ПОТРУДИЛСЯ ЕСІ, ПАЧЕ ЖЕ
СМИРЕНІЯ ГЛУБИНУ, МИР И РАДОСТЬ О ГОСПОДЕ
СТЯЖАЛ ЕСІ.

ТЕМЖЕ И МЫ, ЗРЯЩЕ ОТ СИЛЫ В СИЛУ ДУХОВНОЕ
ВОСХОЖДЕНИЕ ТВОЕ, С БЛАГОГОВЕНИЕМ ВЗЫВАЕМ ТИ:
РАДУЙСЯ, ПЛОТЬ ТВОЮ СО СТРАСТЬМИ И ПОХОТЬМИ
РАСПЕНШИЙ;

РАДУЙСЯ, СКВЕРНУ ГРЕХОВНУЮ ПОКАЯНИЕМ ОМЫВЫЙ.
РАДУЙСЯ, ЯКО БЛАГОДАТНУЮ СИЛУ СМирЕНІЯ ПОЗНАЛ
ЕСІ;

РАДУЙСЯ, ЯКО ДЕЛАНІЕМ ЗАПОВЕДЕЙ ЕВАНГЕЛЬСКИХ
ДУШУ ОБНОВИЛ ЕСІ.

РАДУЙСЯ, ИМЯ ИИСУСА СЛАДЧАЙШАГО НЕПРЕСТАННО
ПРИЗЫВАВЫЙ;

РАДУЙСЯ, НА ЗЕМЛИ БЛАЖЕНСТВО БУДУЩАГО ВѢКА
ВКУСИВЫЙ.

РАДУЙСЯ, ЖЕРТВУ БЕЗКРОВНУЮ СО СТРАХОМ И
ТРЕПЕТОМ ПРИНОСИВЫЙ;

РАДУЙСЯ, СЛОВОМ МУДРЫМ ВСЕХ ПРИТЕКАЮЩИХ К ТЕБѢ
ПИТАВЫЙ.

РАДУЙСЯ, ПРЕПОДОБНЕ ОТЧЕ СЕРАФИМЕ, ВЫРИЦКИЙ
ЧУДОТВОРЧЕ.

КОНДАК 6.

СОВЕРШЕННУЮ ЛЮБОВЬ ЯКО ВЕНЕЦ ДОБРОДЕТЕЛЕЙ И
ДАР СВЯТАГО ДУХА ПРИЕМЫЙ, НЕМОЩНЫХ НЕМОЩИ
ПОДЪЯЛ ЕСИ, ДУХОНОСНЕ ОТЧЕ, И КО СПАСЕНИЮ МНОГИ
ДУШИ УПРАВИЛ ЕСИ. ТЕМЖЕ ПРЕДСТАТЕЛЬСТВОМ ТВОИМ
И МЫ ГРЕШНИИ НЕДУГОВ МНОГОРАЗЛИЧНЫХ
ИЩЕЛЕВШЕ, БЛАГОДАРСТВЕННО ВОПИЕМ ГОСПОДУ:
АЛЛИЛУИЯ.

ИКОС 6.

ВОЗСИЯ В ЛИЦЕ ТВОЕМ ПРАВДА БОЖИЯ, И ОТГНАСЯ
ПРЕЛЕСТЬ БЕСОВСКАЯ, ЕГДА ЛАВРА ИГА
ОБНОВЛЕНЧЕСКАГО СВОБОДИСЯ, ИНОЦЫ ЖЕ ВСИ
ВОЗВЕСЕЛИШАСЯ. СЕГО РАДИ ПРОСИМ ТЯ, МИРОТВОРЧЕ:
РАЗДОРЫ И НЕСТРОЕНИЯ ЖИТИЯ НАШЕГО УТОЛИ,
НЕПРАВДЫ РАЗОРИ, ДА В ЕДИНОДУШИИ ГЛАГОЛЕМ ТИ:
РАДУЙСЯ, ХРАМЕ НЕРУКОТВОРЕННЫЙ ХРИСТА БОГА
НАШЕГО;
РАДУЙСЯ, ЩЕДРОТАМИ ДУХА СВЯТАГО БЛАГОЛЕПНО
УКРАШЕННЫЙ.
РАДУЙСЯ, СЕРДЦЕ ТВОЕ ВМЕСТИЛИЩЕ МИРА СОДЕЛАВЫЙ;
РАДУЙСЯ, ФИМИАМ МОЛИТВЫ ГОСПОДУ НЕПРЕСТАННО
ВОЗНОСИВЫЙ.
РАДУЙСЯ, О ЗАБЛУЖДШИХ ЗЕЛО ДУШЕЮ БОЛЕЗНОВАВЫЙ;
РАДУЙСЯ, ВСЕМ СПАСТИСЯ И В РАЗУМ ИСТИНЫ ПРИИТИ
ЖЕЛАВЫЙ.
РАДУЙСЯ, ГОРДОСТЬ И ЗЛОБУ НЕЧЕСТИВЫХ СМИРЕНИЕМ
И КРОТОСТИЮ ПОБЕДИВЫЙ;
РАДУЙСЯ, ПО ЗАПОВЕДИ ХРИСТОВЕ ЛЮБИТИ ВРАГИ СВОЯ
УЧИВЫЙ.
РАДУЙСЯ, ПРЕПОДОБНЕ ОТЧЕ СЕРАФИМЕ, ВБИЦКИЙ
ЧУДОТВОРЧЕ.

КОНДАК 7.

ХОТЯ ЧЕЛОВЕКОЛЮБЕЦ ГОСПОДЬ ЯВИТИ В ТЕБЕ НОВОЕ
ДУХОВНОЕ СВЕТИЛО, ДАДЕ ТЯ БРАТІИ ОБИТЕЛИ ВО ОТЦА
ДУХОВНАГО. ТЕМЖЕ ВЕЛИКУЮ СХИМУ ЯКО ПЕЧАТЬ
СОВЕРШЕНСТВА ОТ БОГА ПРИЕМШИ, ДУША ТВОЯ ЧИСТАЯ
ОГНЕМ ПЛАМЕННЫЯ МОЛИТВЫ ЗА ВЕСЬ МИР
ИСПОЛНИСЯ, БЛАГОЧЕСТИЮ И БРАТОЛЮБИЮ ВСЕХ
НАСТАВЛЯЮЩИ И С ТРЕПЕТОМ ВОПИЮЩИ БОГУ:
АЛЛИЛУІЯ.

ЇКОС 7.

В ДИВНОМ ПРОРОЧЕСТВЕ, ПРЕБЛАЖЕННЕ, УКАЗА ГОСПОДЬ
ПУТЕВОДИТЕЛЯ И ПОКРОВИТЕЛЯ ТВОЕГО, ПРЕПОДОБНАГО
СЕРАФИМА САРОВСКАГО, ЕГОЖЕ ИМЕНЕМ В СХИМЕ
НАРЕЧЕННЫЙ, ВОИСТИНУ НОВЫЙ УТЕШИТЕЛЬ НАРОДУ
НАШЕМУ БЫЛ ЕСИ.

СЕМУ БЛАГОВОЛЕНИЮ БОЖИЮ ЧУДЯЩЕСЯ, ВОПИЕМ ТИ:
РАДУЙСЯ, ТЕПЛЫЙ К БОГУ О ВСЕХ МОЛИТВЕННИЧЕ;
РАДУЙСЯ, ПРЕБЛАГОСЛОВЕННЫЯ ВЛАДЫЧИЦЫ
ДЕРЖАВНЫЯ УГОДНИЧЕ.

РАДУЙСЯ, АНГЕЛОМ ПРИЯТНЫЙ СОБЕСЕДНИЧЕ;

РАДУЙСЯ, ДУХОНОСНЫХ ОТЕЦ СПОДВИЖНИЧЕ.

РАДУЙСЯ, ПРАВОСЛАВНЫХ БЛАГОДАТНОЕ ЗАСТУПЛЕНИЕ;

РАДУЙСЯ, БЛУЖДАЮЩИХ ВО ТЬМЕ БЕЗБОЖИЯ

СВЕТОЗАРНОЕ НАСТАВЛЕНИЕ.

РАДУЙСЯ, ГРЕШНИКОВ С БОГОМ ИСКРЕННЕЕ
ПРИМИРЕНИЕ;

РАДУЙСЯ, ИСТОЧНИЧЕ РАДОСТИ И УМИЛЕНИЯ.

РАДУЙСЯ, ПРЕПОДОБНЕ ОТЧЕ СЕРАФИМЕ, ВЫРИЦКИЙ
ЧУДОТВОРЧЕ.

КОНДАК 8.

СТРА́ННО ЕСТЬ И НЕУДОБОПРИЯТЕЛЬНО СУ́ЕТНОМУ МІРУ
СЛЫ́ШАТИ, КА́КО МОЛІТВАМИ ТВОИ́МИ, ЧУДОТВО́РЧЕ,
БОГА́ТСТВО МИЛОСЕР́ДІЯ БО́ЖІЯ ИЗЛИВА́ЕТСЯ НА ВСЕХ С
ВЕ́РОЮ ПРИТЕКА́ЮЩИХ К ТВОЕ́МУ НЕБЕ́СНОМУ
ПОКРОВА́ТЕЛЬСТВУ.

МЫ ЖЕ, СЛА́ВЯЩЕ ТРО́ИЦУ СВЯТУ́Ю, ДАРОВА́ВШУЮ ТИ
БЛАГОДА́ТЬ СИЮ́, РА́ДОСТНО ВОСКЛИЦА́ЕМ: АЛЛИЛУ́ІЯ.

ЇКОС 8.

ВСЕГО́ СЕБЕ́ НА СЛУЖЕ́НИЕ БО́ГУ И ЛЮДЕМ ПРЕДА́Л ЕСІ́,
ДИВНЫЙ О́ТЧЕ, ЧА́ДОМ СВОИ́М ЗАПОВЕ́ДАВ О ГО́РНОМ
ВСЕГДА́ ПОМЫШЛЯ́ТИ И МОЛІТВУ ИИСУ́СОВУ УСЕР́ДНО
ТВОРИ́ТИ, Е́ЮЖЕ ВСЯ́КИЙ ГРЕХ В ДУШІ ПОСЕКА́ЕТСЯ И
ДУХ ЧЕЛОВЕ́ЧЬ С ДУ́ХОМ БО́ЖИИМ СОЕДИНЯ́ЕТСЯ.

ПОД ТВОЕ́ УБО ПРЕЧУ́ДНОЕ БЛАГОСЛОВЕ́НИЕ

ПРИБЕГА́ЮЩЕ, С ЛЮБО́ВИЮ ВЕЛИЧА́ЕМ ТЯ:

РА́ДУЙСЯ, ГО́РНЯГО ИЕРУСА́ЛІМА ЖИТЕ́ЛЮ;

РА́ДУЙСЯ, НЕИЗРЕЧЕ́ННЫЯ СЛА́ВЫ СПАСИ́ТЕЛЯ МІРА
ЗРИ́ТЕЛЮ.

РА́ДУЙСЯ, МОЛІТВЫ НА́ША К СТОПА́М ВСЕДЕРЖИ́ТЕЛЯ И
БОГОРО́ДИЦЫ ПРИНОСЯ́Й;

РА́ДУЙСЯ, ЯКОЖЕ ОТЕ́Ц ЧАДОЛЮБИ́ВЫЙ ПРОСЯ́ЩИМ
ПОЛЕ́ЗНАЯ ПОДАВА́ЯЙ.

РА́ДУЙСЯ, ВЕ́РНЫЙ ЦЕ́РКВЕ ХРИСТО́ВЫ СЛУЖИ́ТЕЛЮ;

РА́ДУЙСЯ, НЕИСЦЕ́ЛЬНЫХ БОЛЕ́ЗНЕЙ ДУХОВ́НЫЙ
ВРАЧЕВА́ТЕЛЮ.

РА́ДУЙСЯ, ГРЯДУ́ЩИХ ВРЕМЕ́Н ЧУДЕ́СНОЕ ПРЕДЗРЕ́НИЕ;

РА́ДУЙСЯ, НАСТОЯ́ЩИХ ОБСТОЯ́НИЙ СКО́РОЕ
ИЗБАВЛЕ́НИЕ.

РА́ДУЙСЯ, ПРЕПОДО́БНЕ О́ТЧЕ СЕРАФИ́МЕ, ВЫ́РИЦКИЙ
ЧУДОТВО́РЧЕ.

КОНДАК 9.

ВСЯ СИЛЫ НЕБЕСНЫЯ УДИВИШАСЯ СМирѢНИЮ И
ТЕРПѢНИЮ ТВОЕМУ, СВЯТЧЕ, МУЧИТЕЛЬНЫМ ТЯ НЕДУГОМ
ЗРЯЩЕ ПОРАЖЕННАГО, ОБАЧЕ ПРОМЫСЛИТЕЛЬНО ОТ РУК
ГОНИТЕЛЕЙ ИЗ ЛАВРЫ ВОСХИЩЕННАГО.

ЛЮДИЕ ЖЕ ВѢРНИИ, ВИДЕВШЕ ТЯ, ЧУДНО ПОД КРОВОМ
БОГОРОДИЦЫ В ВѢРИЦКОЙ ВѢСИ ХРАНИМАГО,
ВОСПЕВАХУ ЧЕЛОВЕКОЛЮБЦУ ГОСПОДУ: АЛЛИЛУІЯ.

ІКОС 9.

ВИТИЙСТВО ЧЕЛОВѢЧЕСКОЕ УМОЛКАЕТ ПРЕД ВЕЛИЧИЕМ
ПОДВИГ ТВОИХ, ПРЕПОДОБНЕ: КАКО УБО, СТАРЕЦ
ПЛОТИЮ НЕМОЩЕН СЫЙ, МНОГІЯ ТРУДЫ ПОДЪЯЛ ЕСИ?
ТѢМЖЕ, СИЛЕ БОЖИЕЙ В НЕМОЩЕХ СОВЕРШАЕМОЙ
ДИВЯЩЕСЯ, ВЗЫВАЕМ ТИ:

РАДУЙСЯ, ДРЕВНИХ ПУСТЫННИКОВ ИСКУСНЫЙ
ПОДРАЖАТЕЛЮ;

РАДУЙСЯ, ПОСТНИЧЕСКАГО ЖИТИЯ ИЗРЯДНЫЙ
ЛЮБИТЕЛЮ.

РАДУЙСЯ, МОЛИТВЕННЫХ БДЕНИЙ УСЕРДНЫЙ
РЕВНИТЕЛЮ;

РАДУЙСЯ, ТЕЛЕСНЫХ НЕМОЩЕЙ ЧУДНЫЙ ПОБЕДИТЕЛЮ.

РАДУЙСЯ, ИСТИННЫМ СМирѢНИЕМ ДОБРОДЕТЕЛИ СВОЯ
СОКРЫВЫЙ;

РАДУЙСЯ, ПЛАЧЕМ ПЛОДЫ БОЖΙΑ БЛАГОДАТИ
УМНОЖИВЫЙ.

РАДУЙСЯ, ЕЛЕЙ РАДОСТИ ТРЕЗВѢНИЕМ СОХРАНИВЫЙ;

РАДУЙСЯ, ХРИСТУ БОГУ ЖИТИЕМ ТВОИМ
БЛАГОУГОДИВЫЙ.

РАДУЙСЯ, ПРЕПОДОБНЕ ОТЧЕ СЕРАФИМЕ, ВѢРИЦКИЙ
ЧУДОТВОРЧЕ.

КОНДАК 10.

СПАСІТІ РУСЬ СВЯТЮЮ ОТ НАШЕ́СТВИЯ ИНОПЛЕМЕ́ННИК
ГО́СПОДА УМОЛЯ́Л ЕСІ́, БОГОЛЮ́БЧЕ ДІ́ВНЫЙ: ИИСУ́СЕ
ХРИСТЕ́, СЫ́НЕ БО́ЖИЙ, ПОМИ́ЛУЙ СТРАНУ́ НА́ШУ И МИР
ТВОЙ.

ТА́КО СО УМИЛѐНИЕМ СЕРДЕ́ЧНЫМ К БО́ГУ ВЗЫВА́Я,
ПОДО́БНЕ СТА́РЦУ САРО́ВСКОМУ НО́ВЫЙ ПО́ДВИГ
МОЛІ́ТВЕННАГО СТОЯ́ННЯ НА КА́МЕНИ ПОДЪЯ́Л ЕСІ́.
ТЕ́МЖЕ ТЯ УКРЕПІ́ВШАГО ГО́СПОДА СЛА́ВИМ, ПОБЕ́ДНУЮ
ПЕСНЬ ЕМУ́ ПОЮ́ЩЕ: АЛЛИЛУ́ИЯ.

ЎКОС 10.

СТЕНА́ БЫСТЬ НЕЗРѐМАЯ МОЛІ́ТВА ТВОЯ́, УГО́ДНИЧЕ
БО́ЖИЙ, ВО́ИНСТВУ И НАРО́ДУ НА́ШЕМУ В ГОДИ́НУ
ИСПЫТА́НИЙ ТЯЖКИХ. РА́ЗУМОМ ДУХО́ВНЫМ СМЫСЛ
ПОПУ́ЩЕННЫХ БО́ГОМ СКОРБѐЙ ПОСТИГА́Я, ОБРАТІ́ТИСЯ
КО ХРИСТУ́ ОТСТУПІ́ВШИЯ ЛЮ́ДИ ПРИЗЫВА́Л ЕСІ́.

ТЕ́МЖЕ И НАС ОТ ВСЯ́КІЯ ВѐЩИ СОПРОТІ́ВНЫЯ
СОБЛЮДИ́, ВОПИЮ́ЩИХ ТИ ТАКОВА́Я:

РА́ДУЙСЯ, ЧА́ШУ СТРАДА́НИЙ СО ОТЕ́ЧЕСТВОМ ЗЕМНЫ́М
ДО КОНЦА́ ИСПІ́ВЫЙ;

РА́ДУЙСЯ, О ПОМИ́ЛОВАНІИ РОССІ́И ГО́СПОДА
ПРОСИ́ВЫЙ.

РА́ДУЙСЯ, ВО́ИНСТВУ ХРИСТОЛЮБИ́ВОМУ БО́ГОМ
ДАРОВА́ННОЕ ПОМОЖѐНИЕ;

РА́ДУЙСЯ, ДУШ И ТЕЛѐС НА́ШИХ ЖИВИ́ТЕЛЬНОЕ
ОРОШѐНИЕ.

РА́ДУЙСЯ, МУ́ЧЕНИЧЕСТВО БЕЗКРѐВНОЕ ВО́ЛЕЮ
ПРЕТЕРПѐВЫЙ;

РА́ДУЙСЯ, НЕМО́ЩИ ЕСТЕСТВА́ ЧЕЛОВЕ́ЧЕСКАГО
ПРЕЗРѐВЫЙ.

РА́ДУЙСЯ, ЗЕМЛІ́ РОССІ́ЙСКІЯ МОЛІ́ТВЕННОЕ
ОГРАЖДѐНИЕ;

РА́ДУЙСЯ, ОТ ВРАГ ВІ́ДИМЫХ И НЕВІ́ДИМЫХ
ДОСТОЧУ́ДНОЕ ИЗБАВЛѐНИЕ.

РА́ДУЙСЯ, ПРЕПОДО́БНЕ О́ТЧЕ СЕРАФИ́МЕ, ВЪ́РИЦКИЙ
ЧУДОТВО́РЧЕ.

КОНДАК 11.

ПЕ́НИЕ УМИЛЕ́ННОЕ ПРИНО́СИМ ТИ, ПРЕПОДО́БНЕ О́ТЧЕ
СЕРАФИ́МЕ, УБЛАЖА́ЮЩЕ МНОГОТРУ́ДНОЕ ЗЕМНО́Е
ЖИТИ́Е ТВОЁ, ТЫ ЖЕ НЕ ПРЕСТА́Й МОЛИ́ТИСЯ ЗА НЫ КО
ГО́СПОДУ, ДА ДА́РУЕТ НАМ ГРЕХО́В ОСТАВЛЕ́НИЕ,
СТРАСТЕ́Й ОДОЛЕ́НИЕ, ВО ВСЯ́ЦЕЙ ДОБРОДЕ́ТЕЛИ
УТВЕРЖДЕ́НИЕ И МІ́РА ДУШЕ́ВНАГО ХРАНЕ́НИЕ, И ДА
СПОДО́БИТ НАС НЕДОСТО́ЙНЫХ ВКУ́ПЕ С ТОБО́Ю ВО
ЦА́РСТВІИ НЕБЕ́СНОМ БЛАГОДА́РСТВЕННО ВОСПЕВА́ТИ:
АЛЛИЛУ́ИЯ.

ЎКОС 11.

СВЕТОЗА́РНАГО ПРОПОВЕ́ДНИКА СУ́ЩИМ ВО ТЬМЕ
БЕЗБО́ЖІЯ ЗРИМ ТЯ, ВСЕБЛАЖЕ́ННЕ О́ТЧЕ, ДУХО́ВНОЕ БО
ВОЗРОЖДЕ́НИЕ РОССІ́И ПРОВІ́ДЕЛ ЕСІ́ И
СООТЕ́ЧЕСТВЕННИКОМ ТВЕ́РДО ВЕ́РЫ ПРАВОСЛА́ВНЫЯ
ДЕРЖА́ТИСЯ ЗАВЕЩА́Л ЕСІ́.
МЫ ЖЕ, СЛОВЕСЫ́ ТВОИ́МИ ПРОСВЕЩА́ЕМИ, СО
УМИЛЕ́НИЕМ ВЗЫВА́ЕМ ТИ:
РА́ДУЙСЯ, СЛА́ВЫ ПРЕДВЕ́ЧНАГО ЦАРЯ́ ПРИЧА́СТНИЧЕ;
РА́ДУЙСЯ, БОЖЕ́СТВЕННАГО СО́ЛНЦА ЛУЧЕ́.
РА́ДУЙСЯ, МИЛОСЕ́РДІЯ СВЕТИ́ЛО, СОГРЕВА́ЮЩЕЕ ДУ́ШИ;
РА́ДУЙСЯ, НАСТА́ВНИЧЕ, ДУХО́ВНО ПРОБУЖДА́ЮЩИЙ УМЫ́.
РА́ДУЙСЯ, СВЕТИ́ЛЬНИЧЕ, Ё́МЖЕ МНО́ЗИ ЧЕЛОВЕ́ЦЫ
ПРОСВЕЩА́ЮТСЯ;
РА́ДУЙСЯ, МОЛИ́ТВЕННИЧЕ, Ё́МЖЕ КО́ЗНИ ВРА́ЖІЯ
РАЗРУША́ЮТСЯ.
РА́ДУЙСЯ, ЧИСТОТЫ́ СЕРДЕ́ЧНЫЯ ХРАНИ́ТЕЛЮ;
РА́ДУЙСЯ, СОВЕРШЕ́НСТВА ХРИСТИА́НСКАГО УЧИ́ТЕЛЮ.
РА́ДУЙСЯ, ПРЕПОДО́БНЕ О́ТЧЕ СЕРАФИ́МЕ, ВЫ́РИЦКИЙ
ЧУДОТВО́РЧЕ.

КОНДАК 12.

БЛАЖЕННУЮ КОНЧИНУ ТВОЮ, БОГОМУДРЕ ОТЧЕ,
МОЛЕНИЕМ АКАФИСТНЫМ БОГОМАТЕРИ ПРЕДВАРИЛ ЕСИ:
ТА БО ЯВСТВЕННО ПОСЕТИВШИ ТЯ, ОТШЕСТВИЕ ТВОЁ
БЛИЗКОЕ НА НЕБО ДЕСНИЦЕЮ УКАЗА ТИ.
КИИМИ ПОХВАЛАМИ ДОСТОЙНО УБЛАЖИМ ТЯ,
ИЗБРАННИЧЕ ЦАРИЦЫ НЕБЕСНЫЯ, НЫНЕ СО ЛИКИ
АНГЕЛЬСКИМИ ПОЮЩА: АЛЛИЛУИЯ.

ЇКОС 12.

ПОЮЩЕ ДИВНАГО ВО СВЯТЫХ СВОИХ БОГА, ВЕРУЕМ, ЯКО
МНОГО МОЖЕТ МОЛИТВА ПРАВЕДНАГО КО БЛАГОСЕРДИЮ
ВЛАДЫКИ, И СЕГО РАДИ ПРОСИМ ТЯ, ПРЕПОДОБНЕ ОТЧЕ,
БУДИ О НАС ХОДАТАЙ ТЕПЛЫЙ У ПРЕСТОЛА ПРЕСВЯТЫЯ
ТРОИЦЫ, ВОПИЮЩИХ ТИ СИЦЕ:
РАДУЙСЯ, ПЛАМЕННЫМ СЕРАФИМОМ ТЕЗОИМЕНИТЫЙ;
РАДУЙСЯ, СТАРЧЕСТВА ВОСПРИЕМНИЧЕ ДУХОНОСНЫЙ.
РАДУЙСЯ, НИВЫ ХРИСТОВЫ НЕУСТАННЫЙ ДЕЛАТЕЛЮ;
РАДУЙСЯ, МИРА БОЖИЯ УСЕРДНЫЙ НАСАДИТЕЛЮ.
РАДУЙСЯ, ПРАВОСЛАВНЫЯ ЦЕРКВЕ НОВОЕ УКРАШЕНИЕ;
РАДУЙСЯ, ВЕЛИЕ К БОГУ ЗА РУСЬ МНОГОСТРАДАЛЬНУЮ
ДЕРЗНОВЕНИЕ.
РАДУЙСЯ, РОДА ХРИСТИАНСКАГО БЛАГОМОЩНОЕ
ЗАСТУПЛЕНИЕ;
РАДУЙСЯ, ПОЧИТАЮЩИМ ТЯ ХОДАТАЮ ВЕЧНАГО
СПАСЕНИЯ.
РАДУЙСЯ, ПРЕПОДОБНЕ ОТЧЕ СЕРАФИМЕ, ВЫРИЦКИЙ
ЧУДОТВОРЧЕ.

КОНДАК 13.

О ПРЕСЛАВНЫЙ И ДОСТОЧУДНЫЙ УГОДНИЧЕ БОЖИЙ
СЕРАФИМЕ, ВЫРИЦКИЙ ЧУДОТВОРЧЕ, ПРИИМИ УСЕРДНОЕ
СИЕ МОЛЕНИЕ НАШЕ, С ЛЮБОВИЮ ТЕБЕ ВОЗНОСИМОЕ.
УМОЛИ ВСЕМЫЛОСТИВАГО ГОСПОДА ИЗБАВИТИ НАС ОТ
ВСЯКАГО ЗЛА И НАПАСТИ, ДА В НЫНЕШНЕМ ВЕЦЕ
БЛАГОЧЕСТНО ПОЖИВЕМ И БЛАЖЕНСТВА ЖИЗНИ ВЕЧНЫЯ
МОЛИТВАМИ ТВОИМИ СПОДОБИМСЯ, О ТЕБЕ
БЛАГОДАРСТВЕННО ГОСПОДЕВИ ПОЮЩЕ: АЛЛИЛУИЯ.

**ЭТОТ КОНДАК ЧИТАЕТСЯ ТРИЖДЫ, ЗАТЕМ ЁКОС 1-Й, И
КОНДАК 1-Й.**

ЁКОС 1.

АНГЕЛОПОДОБНУЮ КРАСОТУ ДУШИ ИМЕЛ ЕСИ,
ПРЕПОДОБНЕ ОТЧЕ, СЕРДЦЕМ ПЛАМЕНЕЯ КО ГОСПОДУ
СИЛ, И ТОМУ ЕДИНУМУ СЛУЖИТИ ОТ ЮНОСТИ ВОСХОТЕЛ
ЕСИ, И ПОСЛУШАНИЕ ИСТИННОЕ ТВОРЦУ СВОЕМУ ЯВИЛ
ЕСИ. ТЕМЖЕ ПРОМЫШЛЕНИЮ БОЖИЮ О ТЕБЕ ДИВЯЩЕСЯ,
С ВЕРОЮ ЗОВЕМ ТИ:

РАДУЙСЯ, БЛАГОЧЕСТИВЫХ РОДИТЕЛЕЙ ОТРОЧЕ
ДОСТОЙНЫЙ;

РАДУЙСЯ, ИЗМЛАДА ВСЕЮ ДУШЕЮ ГОСПОДА
ВОЗЛЮБИВЫЙ.

РАДУЙСЯ, СЛУЖБЫ ЦЕРКОВНЫЯ БЛАГОГОВЕЙНЫЙ
РЕВНИТЕЛЮ;

РАДУЙСЯ, МИРА ДУХОВНАГО УМИЛЕННЫЙ СОЗЕРЦАТЕЛЮ.

РАДУЙСЯ, МОЛИТВЫ ЧИСТЫЯ СОВЕРШИТЕЛЮ УСЕРДНЫЙ;

РАДУЙСЯ, СЕРДЦЕМ СОКРУШЕННЫМ ВСЕЦЕЛО К БОГУ
УСТРЕМЛЕННЫЙ.


РАДУЙСЯ, СХИМНИКУ ЛАВРСКОМУ ЖЕЛАНИЕ СЕРДЦА
СВОЕГО ПОВЕДАВЫЙ;

РАДУЙСЯ, ОТ НЕГО ВОЛЮ БОЖИЮ О СЕБЕ ПОЗНАВЫЙ.

РАДУЙСЯ, ПРЕПОДОБНЕ ОТЧЕ СЕРАФИМЕ, ВЫРИЦКИЙ
ЧУДОТВОРЧЕ.

КОНДАК 1.

ИЗБРАННЫЙ УГОДНИЧЕ ХРИСТОВ, ПРЕПОДОБНЕ ОТЧЕ
СЕРАФИМЕ, ВЕРЫ ПРАВОСЛАВНЫЯ СВЕТИЛЬНИЧЕ И
ЗЕМЛИ РОССИЙСКІЯ БЛАГОДАТНЫЙ ЗАСТУПНИЧЕ,
ЧУДНЫЙ ОБРАЗ СПАСЕНИЯ НАМ ЯВІВЫЙ, ДЕЛАНІЕМ
СОКРОВЕННЫМ ЦАРСТВО НЕБЕСНОЕ СТЯЖАВЫЙ, К
ТВОЕМУ ПРЕДСТАТЕЛЬСТВУ НЫНЕ ПРИТЕКАЮЩЕ, ПЕНИЕ
ХВАЛЕБНОЕ ПРИНОСИМ ТИ, ЛЮБОВІЮ ЗОВУЩЕ: РАДУЙСЯ,
ПРЕПОДОБНЕ ОТЧЕ СЕРАФИМЕ, ВЫРИЦКИЙ ЧУДОТВОРЧЕ



КОПИЯ ЧУДОТВОРНОЙ ИКОНЫ
СЕРАФИМА ВЫРИЦКОГО